

I ofizi de comun resta stluc inant ales medemes condiziuns sciöche publicades tla plata dla cöra nr. 19 di 05 d'auri.

L'implant de reziclaje Alfur é indô davert (cun les precauziuns scrites dant).

Le Comun á ultimamënter lascé taié valgügn lëgns sot la Ciasa de Palsa dlungia la ciasa de Clara Lois y condüt demez le lignan (danter la strada che vá sö dala gran entrada dla Ciasa de Palsa y la ciasa de Clara Lois); sce zacai oress se romené sö les rames por fá vancëis, dessi contaté l'ombolt.

Le Comun á en chisc dis lascé romené sö da pert dla dita PRA da Bornech la plaza dan la dljia da San Martin olach'al podô gní lascé jö refodam biologich de cortina, deache ti ultimi agn él gnü sciuré pormez tres deplü de vigni sort d'ater refodam y ciomënt che n'aldí nia te chël post. Da sëgn inant ne pól por naota plü gní sciuré degun refodam o ciomënt te chël post; al é dan cortina na bëna por les ciandères, y l'ater patüc mëss duc se tó a ciasa.

3° post por le documentar sön le Comun da San Martin de Tor pro la pröma ediziun dl festival "I Piccoli Borghi d'Italia" - N dilan a duc chi che ti á dé la usc al documentar dl Comun da San Martin de Tor che á insciö arjunt le bel 3° post y che á rapresenté nosta regiun Trentin – Südtirol por la pröma ediziun dl festival "I Piccoli Borghi d'Italia". Al 1° post él rové le comun de Calstelfranco Veneto (Veneto) y al 2° post le comun de Manfredonia (Pulia). Dötes les 20 regiuns dla Talia á tut pert cun n documentar de n so comun.

PLOANIES DA SAN MARTIN Y LUNGIARÜ

Siur Heinrich Perathoner dij vigni dé mëssa te calonia stlojon ite döta la comunité.

Al vëgn perié da jí te dljia da susc y nia te n grup, cun manëces y maschera. Dales funziuns resta la dljia stluta. - Da bagné te cortina tolésse do na sprinza.

Chi che ó aposté mësses dl ann por defunc pó telefoné o mené n sms a Christian (por Lungiarü) 389 29 00 000 y a Romi (por San Martin) 339 71 64 521. Ares vëgn spo dites dala gran mëssa dales 10.00 (radio dla cöra).

Les mësses de sopoltöra, les secundes y les terzes di defunc dl tëmp dl corona-virus gnará dites canch'an podará. Sce les families di defunc oress intratan paié na mëssa, spo vëgnera dita les domënies che vëgn.

En domënia, ai 10 de ma, gnará la gran mëssa zelebrada dales 10.00 tla dljia da Lungiarü y sará da aldí ma tl radio dla cöra da Lungiarü (93,70).

La Diozeja á mené fora na lëtra comunican che dai 4 de ma inant pól gní tigní funziuns/mësses de sopoltöra cun la partezipaziun de nia deplü co 15 parënc; chisc mëss sté intant dancierá y ne pó nia avëi borjú o d'atri sintoms dla coia o avëi albü contat ultimamënter cun jënt che á la coia. La comuniun pó ma gní partida fora sot a condiziuns dër zities. I libri te dljia ne dess nia gní tuc tles mans. Ci che vëgn pié ite de dljia dess dedô gní dejinfeté. Do les funziuns te dljia dessel gní lascé zircolé l'aria indortöra.

PLOANIA DA SAN MARTIN

A San Ciascian él mort ai 30.04.2020 Sepl Kaneider de Tone de Marta, nasciü ai 16.03.1947 sö Restalt. I s'al recordun tla oraziun: La vita eterna dáí, Signur, y confórtele cun to lominus. Al palses tla pesc.



www.valbadiaonline.it/comunita

Plata dles Ploanies San Martin y Lungiarü

siur ploan Klaus Sottsas 344 15 54 055 - klsottsas@yahoo.de

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

03.05. – 10.05.20 nr. 23



4ª DOMËNIA DE PASCA - A Domënia dles vocaziuns

Vangele do Jan 10,1-10

Gejú ti à dit inant: Amen, i ves diji: Iö sun l'üsc da i jì pormez ales bisces. Düc chi che é gnüs dan mè ê leri y lotri; mo les bisces ne i à nia ascutè sö. Iö sun l'üsc; chël che passa da mè ite gnará salvè;

al jarà ite y fora y ciafarà pastöra.

Le lere vëgn a d'arobè, a copè y a desfà;

iö sun gnü, por che ares ais la vita y che ares l'ais en abundanza.

Gejú dij: Iö sun l'üsc; chël che passa da me ite gnará salvé.

Porchël se damanon:

Ci él pa daite da üsc?

Y da che vëgnon pa salvá?

Daite da üsc él chi che ti ó bun a Gejú,

chi che se lascia sön èl

y che ti mët averda a sües parores.

Daite da üsc n'él nia chi che s'la fej avarèi,

mo chi che tol a cör les beatitus:

Beac i saurisc!

Daite da üsc, tl cialt dla stala, él les bisces, chi che ne se tëm nia da ester saurisc, sciöche les bisces.

Daite da üsc él i salvá, al é chi che se tëgn ales leges y ales regoles dl monn, mo che sá ch'al é ciamó val' deplü co ma les leges y les regoles dl monn, ai conësc la forza y la potënza dl amur.

Ai n'adora degöna regnanza che guerna la jënt y ai ne se lascia nia sö decuntra.


Ai s'acontentëia cun la bunté, deach'ai conësc les deblëzes de vignun.

Morjí é porchël ince sü baiá y sües opres: ai salva impede condané,

ai mantëgn impede desdrüje, deach'ai sá de ester instësc deblí.

Ai sá che le Salvatur i varësc, canch'al dij:

Tolede mi amur; spo ciafëise tria por ostes animes. (image)



TÈMP DE PASCA	SAN MARTIN Y LUNGIARÜ	DE MONDIAL DE ORAZIUN DO VOCAZIUNS
<p>03.05.20 <i>Iaco y Filip, apostui</i> 4^a DOMÈNIA DE PASCA <i>Domènia dles vocaziuns "N'ede degöna tëma"</i> Ora d'adoraziun tla dljia de Badia 15.00 - 16.00 <i>da podëi tó pert y ester unis tl'oraziun cun dōta la valada y da odëi tres internet (streaming) sön: facebook.com/grupdecanal</i> San Florian - Patron di Stödafüch</p>	<p>10.00 Gran Mëssa por la Comunité a S. Martin por i Stödafüch da S. Martin y Lungiarü mësses dl ann por defunc da S. Martin: por defunc da Lungiarü: + Giovanni Sorá ++ Herta y Giovanni Clara + Albert Trebo + Magdalena Flatscher ++ Milia Vantsch y Franz Laner + Guido Clara, Laguscel + Pire Ploner + Angela Costa</p> <p>19.00 Devoziun/Corona de ma da aldí tl radio dla cōra da San Martin</p>	<p>DE MONDIAL DE ORAZIUN DO VOCAZIUNS Signur Gejú Crist, al é trōpa malsigurté te nosc monn, tla Dlijia y te nosta vita. Malsigüsc y cun fistidi ciarunse tl dagní. Mo tō nes avertësces: N'ede degöna tëma. Iō sun cun os! I te periun: Tólesse ite tres plü sot tla uniun cun te. Chërda jogn y jones ch'ai te vëgnes do y incündes, sciōche proi y tles formes desvalies dla vita consacrada, tūa buna noela y se dedichëies a to sorvisc. Dëida i credënc da conësce y azeté sūa vocaziun, por che la jënt pois sintí tla Dlijia tūa presënza y to amur. Dásse l'ardimënt da se mëte a tūa desposiziun, por che te pois implí tres nos la Dlijia y le monn cun to Spirit. Renforza nosta fede te tūa presënza, ch'i la vagunse da se lascé ite sön te y ch'i ti sunse a ci che vëgn ghiré da nos. Deache tō ne se lasces nia susc, podunse speré cun rajun. Tō nes cōies sō, tō ampliëies nostes limitaziuns, tō operëies ince inanter nostes deblëzes fora. Tō nes condüjes sön le tru ala santité y te nes incorajëies da sté ite cun nostes facultés tla costruziun dl rëgn de Dî. Láscesse ince avëi ligrëza cun ci che i atrí porta pro y dëidesse da aprijé la gran sort de facultés y de sorvisc por che l'unité tla fede pois crësce. Deache tō es le datur de dōtes les scincundes. Tō nes chërdes da te gní do. En te podunse confidé. Te tū brac savunse da ester al sigü. Chi che vëgn tignis da te n'á nia bria da se temëi y pó jí plëgns de speranza adincuntra al dagní. Amen.</p>
<p>04.05.20 Lönesc <i>Florian, Guido, Valeria</i></p>	<p>19.00 Devoziun/Corona de ma da aldí tl radio dla cōra da San Martin</p>	
<p>05.05.20 Dedolönesc <i>Max, Angel, Iuta, Sigrid</i></p>	<p>19.00 Devoziun/Corona de ma da aldí tl radio dla cōra da San Martin</p>	
<p>06.05.20 Dedemesaledema <i>Antonia, Gundula</i></p>	<p>19.00 Devoziun/Corona de ma da aldí tl radio dla cōra da San Martin</p>	
<p>07.05.20 Jöbia <i>Gisela, Virginia</i></p>	<p>19.00 Devoziun/Corona de ma da aldí tl radio dla cōra da San Martin</p>	
<p>08.05.20 Vëndres <i>Ulrika Nisch, Ulrich, Desiré</i></p>	<p>19.00 Devoziun/Corona de ma da aldí tl radio dla cōra da San Martin</p>	
<p>09.05.20 Sabeda <i>Beat, Tarejia</i></p>	<p>19.00 Devoziun/Corona de ma da aldí tl radio dla cōra da San Martin</p>	
<p>10.05.20 5^a DOMÈNIA DE PASCA Festa dla Uma</p>	<p>10.00 Gran Mëssa por la Comunité a Lungiarü mëssa por defunc da Lungiarü: da San Martin + Lidwina Clara, Peca + Tone Unterweger + Vinzenz Clara de Casper dl ann + Tone Tolpeit ++ Kathi y Johann Tatz ++ Nisio y Milia Clara</p> <p>19.00 Devoziun/Corona de ma da aldí tl radio dla cōra da San Martin</p>	<p>I un perié do plöia, y i dijun dilan ch'ara é gnüda! Mia anima, lalda le Signur, / Signur, mi Dî, tan gran che tō es! * T'es vistí de belëza y alangrana. Sciōche te n quant este curí de lominus, * te destënes fora le cil sciōch' na tëndä. Te fejes sbroché tles vals les fontanes, * i rüs rogor danter les munts cun prescia. I vicí dl cil se lascia jō sön sūes spones * tles rames ressona sūa ciantia. T'abëres les munts fora de tūes stües, * cun la plöia di nii se pascentëia la tera. Por i tiers lasceste crësce l'erba * y por la jënt les plantes che ara zidla. Signur, tan trōpes ch'al n'é de tūes opres! / Cun sapiënza les aste dōtes fates, * plëna é la tera de tūes creatōres. Lalda le Signur, mia anima * Signur, mi Dî, tan gran che tō es!</p> 